



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Tribvs Dagobertis Francorvm Regibvs Diatriba
Godefridi Henschenii E Societate Iesv**

Henschenius, Godefridus

Antverpiae, 1655

VIII S. Dagobertvs Rex Francorum habitus, an filius S. Sigeberti? an
Dagobertvs I?

urn:nbn:de:hbz:466:1-9599

V I I I

S. DAGOBERTVS, *Rex Francorum habitus, an filius S. Sigeberti? an DAGOBERTVS I?*

DOrganus Martyr Patronus Gorziensis monasterij colitur ix Septembris: ad diem proximè sequentem hæc traduntur in Calendario Breuiarij Treuirensis MS. iv Idus Septemb. DAGOBERTI Regis Martyris Fræciae. At xxiii Decembris celebrior S. DAGOBERTI memoria est: quo die in septem codicibus MSS. Vsuardi, sed ad usum Ecclesiarum Belgicarum auctis, ista legimus: *Eodem die DAGOBERTI, Regis Francorum.* quæ eadem habent Maurolycus, Martyrologium Coloniæ anno CCCCCXC cusum, & Molanus in Auctario Vsuardi. Hermannus Greuen in suis additionibus adscribit Confessoris titulum, Ferrarius in Catalogo Sanct. Treuiris, inquit, S. DAGOBERTI Regis, patris S. IRMINÆ Virginis, primæ Abbatissæ Horreensis. Refertur hæc eodem die in quodam Codice MS. ast in Martyrologio Romano aliisque postridie, seu xxiv Decemb. Fuisse S. Irminam filiam DAGOBERTI II, Regis Austrasiorum, suprà probauimus. De eodem agit idem Ferrarius xxix Ianuarij: *Metis S. DAGOBERTI Regis,* idque vti annotat, ex Kalendario Ecclesiæ Metensis. In quâ vrbe vti & Treuirensi DAGOBERTVS vixit: ac Metis mortuus sepultusque est S. Sigebertus, Rex etiam Austrasiorum, & huius DAGOBERTI pater. De morte DAGOBERTI suprà egimus, & ex loco sepulturæ apud Rotomagenses in regno Neustriæ, in bello quod cum Rege Theoderico & Ebroino Maiore-Domus coactus gessit, captum, læsum occisumue

FAC. 3. IIIV

occisumue coniectauimus. At facta apud eosdem Rotomagenses inquisitione, didicimus, omnino certum haberri, DAGOBERTVM illic in S. Audoeni, alias S. Petri, basilicâ tumulatum fuisse; sed nesciri quando, quomodo, quorsumue de illo loco translatum sit Regis istius corpus. Quod variis occasionibus fieri potuit, aut inter pacis conditiones Optimatibus Austrasiæ corpus sui Regis repetebitis, quorum aliquis ex suo affectu sepulturam illius Sathanaci concedi impetrârit; aut aliquo Francorum Rege, ut Austrasiis gratificaretur, vltro offerente, aut etiam, ut transferretur Sathanacum usque, procurante: maximè si illic antè captus, Iesus, aut per iniuriam interemptus fuerit. Potuit etiam sepulchrū eius posteà tantâ virtutē miraculorum clarescere, ut cultus sacer eiusdem Canonicâ auctoritate fuerit sanctus. Potuit denique controversum fuisse, quâ potissimum veneratione honorari posset: num cum S. Leodegario Episcopo aut S. Ragneberto Duce, aliisque vi atque tyrannide Ebroini oppressis atque occisis, esset Martyribus annumerandus: nam etiam hos nouos & quasi alterius generis Martires temporibus Christianorum effectos scribunt auctor Vitæ S. Leodegarij aliique. Hincaliqui forsan Natalem DAGOBERTI Regis solum indicant, quem alij Confessorem, alij Martyrem prædicant, etiam ab aliquibus omissâ regiâ dignitate, quod expulsum plures scirent, non autem ad regnum Austrasiorum reuocatum. Quâ decaussâ vti reliqua eius Acta, aut DAGOBERTO primo, aut DAGOBERTO vltimo pasim leguntur attributa; ita hæc eius veneratio ad alterum existimari potest, promiscuè translata.

Ac de DAGOBERTO primo, in Florario MS. ista referuntur ad XXIII Decembbris: *Eodem die Depositio S. Dagoberti Regis Francorum, inclytâ de stirpe Karolidarum propagati. Qui optime*

mē regalia sceptra gubernans, Ecclesiarum & Sacerdotum atque pauperum seu peregrinorum ditator supra modum largissimas extitit. Hic iustitiae amorem est complexus, eò quod Pippini Maioris-Domus & Brabantiae Ducis consilio inniteretur: ac universarum gentium sibi subditarum adeò fauoribus extollebatur, ut nullus de præcedentibus Francorum Regibus illius laudibus fuisse præexcellenter. Postquam ergo DAGOBERTVS annis quatuordecim optimè gubernasset, dormiuit in pace anno salutis 1045. De quo per visionem cuidam reuelatum est, quod anima eius ad iudicium Dei rapta sit, & multis contra eam pro expoliatione ecclesiarum suarum declamantibus, cum eam iam mali angeli vellent ad pœnas inferni rapere, interuentu sancti Martyris Parisiensis Dionysij, cui ipse maximè deuotus fuerat, liberata est. Ita Florarium seculo decimo sexto conscriptum. Idem Rex DAGOBERTVS refertur in Martyrologio Germanico Canisij anno 1049 edito: quem ad eundem diem Pius ad numerat Saussaius in Martyrol. Gall. In Austrasiâ, inquit, colitur hodie beata memoria DAGOBERTI Francorum Regis Christianissimi, in villâ Spinogillo ad Sequanam xix Ianuarij defuncti, atque post mortem è manibus demonum per Sanctos erepti, quorum ipse præcipue ecclesiastas ornauerat, &c. Et xix Ianuarij hæc habet: Obiit pie memoria DAGOBERTVS Rex Christianissimus, cuius animam precibus S. Dionysij ereptam extremo è discrimine & in calum euectam vidi Ioannes sanctissimus anachoreta. Hæc ille. Sed qui in Austrasiâ colitur, Austrasiorum potius fuisse Rex censendus, cum è viuis excessit, cuius & apud Austrasios corpus adseruatur. Atque ipse Saussaius suprà ad xxiii Decemb. scribit DAGOBERTVM I sepultum fuisse in ecclesia S. Dionysij in Fraciâ, quam ex voto magnificè extruxerat. Testatur Dubletius lib. 4 Antiquitatum monasterij S. Dionysij cap. 1, corpus DAGOBERTI istius ad dexterum latus maioris altaris ab initio colloca-
tum,

tum, modò sub ipso altari situm esse, in eâque ecclesiâ XIV
Kalendas Februarij anniuersarias pro eo preces hodieque
celebrari.

I X

*S. DAGOBERTVS, an filius Childeberti Regis? An
Dux aliquis Francorum?*

Alij contrà DAGOBERTVM vltimum filium Childeberti eum esse putant, quem Sathanacenses Martyrum honori-
bus celebrant. De quo Theodericus monachus Epterna-
censis, quem ferunt anno CICXCII res gestas Regum atque Imperatorum collegisse, ita scribit : *Anno verè 10CCXV DAGOBERTVS Rex anno V regni sui in Cortiâ siluâ occisus, Sataniaco sepultus est.* Eodem, quo Theodericus, seculo floruit Albericus Trium-Fontium monachus, cuius in Chronico ista narrantur ad annum 10CCXIV : *Mortuo Childeberto Francorum Rege, post annos XVII, & in abbatia S. Stephani de Cauciaco sepulto, quidam filius eius Chlodoueus, qui & DAGOBERTVS, regnat annis IV.* Anno deinde 10CCXIX : *DAGOBERTVS Iunior Francorum Rex à quodam filio suo in siluâ martyrizatus, iacet apud Sathanagium.* Edidit hæc duo testimonia Alexander Wilthemius in eruditissimo Commentatio ad Acta S. DAGOBERTI Regis Francorum & Martyris.

Videntur Acta illa seculo Christi XII, & à Gorziensi forsan quopiam monacho ad suos Sathanaci degentes, scripta. Nam in Prologo ait se à Fraternitate Satanagensi flagitanter o-
gitatum, aggredi arduum opus de glorioſi Regis DAGOBERTI a-
ctibus... quia, ut S. Benedictus ait, Obedientia quæ maioribus

Aa 2

prabe-